



Jumat, 14 April 2023
Ogen : 1 Kronika 22:13



Tetap Ras Enteguh



“Berhasil” jadi perayaken kalak bas ndahiken sada dahin. Erbage usaha ilakoken segelah seh ku tahapen kata enda. Kalak si berhasil meriah ukurna, tawa dengen cirem ia ngaloken keberhasilen e. Petembil ras kalak si gagal, lit bas kekecewaan, tangis ras berjut.

Padan Dibata, “berhasil kam adi ikutkenndu kerina undang-undang siibereken Dibata.” Ngatakenca maka keberhasilen e lit bas Dibata. Kalak si berhasil e me kalak singikutken undang-undang Dibata. Banci iandingken bagi sada sinuan-sunuan, isuanken i bas sada ingan, isiram ras ipupuki, tapi adi la ndekahsa iruah ras isuanken ka bas ingan sideban, piga-piga bulan ka kenca si e, iruah janah isuanken ka bas ingan sideban, tentuna sinuan-sinuan e labo banci turah dengen erbuah alu mehuli. Tapi sinuan-sinuan si isuanken janah isiram ras ipupuki bas sada ingan alu terus menerus (lanai iruah) maka perturah ras perkembangenna pe mejile. Buahna pe mejile. Bage ka pe bas ngikutken undang-undang Dibata, ilakoken alu terus menerus (tetap) entah nunut, arah si e me ialoken keberhasilen. Kalak sinunut e me kalak si tetap ras nteguh, la mesunah monce apai ka nilah i bas padan e nari. Aminna pe maun lit rungga (tangtangen) sierbahanca kote entah naktak iluh erkiteken kepatuhen e tapi minter ia keke janah tetap ia erdalan i bas kata Dibata.

Kata bijak ngataken “jangan berikan waktu berlarut dalam kesedihan, karena mereka tak akan membawa kamu kepada kebahagiaan.” Bas geluh enda lit nge lalap erbahanca ceda ateta, tapi ula ndekahsa bas kendelen ate, kendelen ate e erbahanca urak gegeh, urak keberhasilen e.